

Denique, ad intercessionem Generosi Christophori Merniauchich, Vicebani Regni, respectu et antiquorum eiusdem emeritorum seruitiorum, residuum illud trecentorum septuaginta quatuor florenorum hungaricalium debitum, quo uidelicet Egregius Michael Vernych, alias Contributionum Regni Perceptor, tempore datae rationis suae debitor remansisset, Status et Ordines Regni eidem Vicebano, ita ut interessatos quoque Haramias Regni hac in parte contentos reddat, obtulerunt et donauerunt.

Postremo, ad instantiam praenominatorum Spectabilium ac Magnificorum Dominorum Gotthphridis Sthodler, Confiniarum, ut praemisum est, Regni Croatiae Generalis Capitanei, et Georgij Galler de Suampergh, respectu ipsorum, et praeclarorum tam in haec Regna, quam in Inclutam Prouinciam Styriae benemeritorum, eosdem haeredesque ipsorum, in horum Regnorum uera et legitima commembra (praestito per eosdem publice solito iuramento solenniter) unanimi uoto et consensu beneuole receperunt et acceptauerunt.

Originale in Archivio Regni Croatiae.

1621. 8. NOVEMBRIS. VARASDINI.

*Decreta a SS. & OO. Regni Croatiae et Slavoniae in Generali eorum Congregatione, Anno 1621 die 8. et sequentibus Mensis Novembris Varasdini habita, praesentibus Commissariis Ferdinandi II. Regis, sancita. *)*

Resolutio Statuum ac Ordinum Regnorum Croatiae et Slavoniae ad Propositiones Illustrissimorum Dominorum, Sacrae Caesareae Regiaeque Maiestatis Commissariorum.

Fideles Status et Ordines Regnorum Croatiae et Slavoniae, inprimis intellecto a Generoso Magnifico Stephano Pathatich de Zayezda, Prothonothario horum Regnorum et ad Sacram Caesaream Regiamque Maiestatem, Dominum Dominum et Regem ipsorum clementissimum, ex proxime praecedenti Generali Congregatione, delegato Nuntio, eiusdem Sacratissimae Maiestatis suae benigno et plusquam paterno in reliquias horum Regnorum affectu, praesertim ubi Sacratissima Maiestas sua in negotio grauaminum et querelarum horum Regnorum, contra Spectabilem et Magnificum dominum Nicolaum de Frangepanibus etc. Banum humillime propositarum, sese et per speciales suas litteras et per eundem Nuntium clementer resoluisset, eisdemque grauaminibus re ipsa remediaturam benigne obtulisset, prout etiam sine mora Reverendissimum dominum Joannem Thelegdi, Episcopum Nitriensem locique eiusdem perpetuum Comitem, et

*) Hi Commissarii: Joannes Thelegdi, Episcopus Nitriensis, Fridericus a Trawthmanstorff, Confiniarum R. Slavoniae Generalis et Arcis Graecensis Supremus Capitaneus, ac Paulus Apponi de Nagy Appon R. Consiliarius, fuerunt Credentialibus Ferdinandi II. literis ddo. Viennae 11. Octobris 1621. provisi.